



**ЗООНОЗЫН ӨВЧИН СУДЛАЛЫН
ҮНДЭСНИЙ ТӨВИЙН ЕРӨНХИЙ ЗАХИРЛЫН
ТУШААЛ**

2021 оны 6 сарын 11 өдөр

Дугаар А/35

Улаанбаатар хот

Журам батлах тухай

Монгол Улсын Хөдөлмөрийн аюулгүй байдал, эрүүл ахуйн тухай хуулийн 14.1, 14.2, 14.3, 14.4, Төвийн “Хөдөлмөрийн дотоод журам”-ын 3.1.10 дахь заалт, Үйлдвэрчний эвлэлийн хороотой байгуулсан хамтын гэрээг тус тус үндэслэн ТУШААХ НЬ:

1. Байгууллагын ажилтнуудын эрүүл мэндийг хамгаалах, сэргийлэхэд чиглэсэн “Эрүүл мэндийн урьдчилсан болон хугацаат үзлэгийн журам”-ыг хавсралтаар баталсугай
2. Журмыг хэрэгжүүлэн ажиллахыг төвийн Эмнэлзүйч эмч, Хүний нөөцийн менежер, Халдварын сэргийлэлт хяналт био аюулгүй ажиллагааны багт даалгасугай.
3. Журмын хэрэгжилтэнд хяналт тавьж, үр дүнг тооцож ажиллахыг Захиргааны алба /Ц.Энхбаяр/-т, товлосон хугацаанд эмч, ажилтнуудыг эрүүл мэндийн үзлэгт бүрэн хамруулахыг алба, тасгийн дарга нарт даалгасугай.

ЕРӨНХИЙ ЗАХИРАЛ



Н. ЦОГБАДРАХ

Зоонозын өвчин судлалын үндэсний төвийн ерөнхий
захирлын...2008...оны...6...дугаар сарын...11...ны
өдрийн...135...дугаар тушаалын хавсралт

ЭРҮҮЛ МЭНДИЙН УРЬДЧИЛСАН БОЛОН ХУГАЦААТ ҮЗЛЭГИЙН ЖУРАМ

Нэг. Зорилго

Төвийн эмч, ажилтнуудын эрүүл мэндэд тогтмол хяналт тавих, өвчнийг эрт илрүүлэх, эрсдэл хүндрэлээс сэргийлэхэд оршино.

Хоёр. Үзлэгийн төрөл

2.1 Эрүүл мэндийн урьдчилсан үзлэг: Шинээр ажилд орох ажилтныг харьяа дүүргийн ЭМТ-д эмчийн үзлэгт хамруулж, тухайн ажилд эрүүл мэндийн байдлаар тэнцэх эсэхэд дүгнэлт гаргуулна.

2.2 Эрүүл мэндийн хугацаат үзлэг: Эмч, ажилтнуудыг ажлын явцад, хуваарийн дагуу үзлэг шинжилгээнд бүрэн хамруулж, төрөлжсөн нарийн мэргэжлийн эмчийн дүгнэлт гаргуулна.

2.3 Өдөр тутмын үзлэг: Байгууллагын эмнэлзүйч эмч ажлын байранд хийгдэх өдөр тутмын үзлэг, хяналтыг өглөө бүр 9⁰⁰-10⁰⁰ цагийн хооронд хийнэ.

Эмчийн үзлэгээр биеийн байдал зовиуртай, хурц болон архаг өвчний сэдрэлт тод илэрсэн тухай бүрд анхны тусламж үзүүлэн удирдлага, алба тасгийн дарга, халдварын сэргийлэлт хяналт био аюулгүй ажиллагааны багт танилцуулан, тухайн өдрийн ажлаас чөлөөлж, онош тодруулах үзлэг, шинжилгээ, эмчилгээний заавар зөвлөмж өгнө.

Гурав. Үзлэг зохион байгуулж, бэлтгэл ажлыг хангах

1.1 Байгууллагын Үйлдвэрчний эвлэлийн хороо, хөдөлмөр аюулгүй байдал хариуцсан ажилтан, эмнэлзүйч эмч нар урьдчилан сэргийлэх үзлэг, оношилгоо зохион байгуулах эрүүл мэндийн байгууллагыг сонгоно.

1.2 Байгууллагын хүний нөөцийн ажилтан нь сонгосон эрүүл мэндийн байгууллагатай гэрээ байгуулан, ажилтнуудад зар хүргэн хуваарийн дагуу үзлэг, шинжилгээнд хамрагдах боломж олгоно.

1.3 Эрүүл мэндийн хугацаат үзлэгийн хуваарийг оны эхэнд байгууллагын ажлын төлөвлөгөөнд оруулан, зардлыг жилийн төсөвт тусгаж батлуулна.

Дөрөв. Ажилтны үүрэг

4.1 Ажилтан эрүүл мэндийн урьдчилсан ба хугацаат үзлэгт хуваарийн дагуу тогтоосон хугацаанд орж, эмчийн зөвлөмжийг хэрэгжүүлэн өөрийн эрүүл мэндээ хамгаална.

4.2 Эрүүл мэндийн үзлэгээс гарсан дүгнэлтийн дагуу ажил хөдөлмөр эрхэлнэ

Тав. Ажил олгогчийн үүрэг

- 5.1 Шинээр ажилд орж байгаа ажилтныг эрүүл мэндийн урьдчилсан үзлэгийн дүгнэлтэд үндэслэн ажилд авна.
- 5.2 Үзлэгийн дүгнэлтийг ажилтны хувийн хэрэгт хавсарган хадгална.
- 5.3 Эрүүл мэндийн урьдчилсан болон хугацаат үзлэгийг Эмнэлзүйч эмч болон Хүний нөөцийн менежер зохион байгуулж, Хөдөлмөрийн аюулгүй ажиллагаа, эрүүл ахуй хариуцсан ажилтан дотоодын хяналт тавина.

Зургаа. Тайлан

Эрүүл мэндийн урьдчилсан болон хугацаат үзлэгийн дүнг тухай бүр удирдлагад танилцуулж хугацаант тайлан, биелэлт хэрэгжилтэд тусгана.